



## O NAMA

Odsjek za historiju i geografiju, kao dvopredmetni četverogodišnji studijski odsjek osnovan je akademske 1993/94. godine, kao sedmi odsjek novoformiranog Filozofskog fakulteta u Tuzli. Kao dvopredmetni studijski odsjek (historija-geografija) funkcionirao je do akademske 1999/2000. godine kada je došlo do razdvajanja na dva jednopredmetna studijska odsjeka: za historiju i za geografiju. Odsjek za historiju sada djeluje kao jedan od 13 studijskih programa Filozofskog fakulteta u Tuzli. U stalnom radnom odnosu ima četiri nastavnika - doktora nauka i jednog višeg asistenta - magistra historije i doktoranta. Također, u izvođenju nastave učestvuje još 13 vanjskih saradnika. Odsjek ima četiri uže naučne oblasti na temelju kojih se uglavnom i izvodi nastava, a to su: stari vijek, srednji vijek, novi vijek i savremeno doba.

## RIJEČ NAŠIH STUDENATA



Selma, Brčko

Ja sam svoje zvanje bachelora historije stekla na Odsjeku za historiju Filozofskog fakulteta u Tuzli. Ono što bih željela istaći jeste kvalitet studijskog programa, koji mi je omogućio da stečeno znanje u sferi društvenih nauka prenesem na posao u Odjeljenju za evropske integracije pri Vladi Brčko Distrikta Bosne i Hercegovine, gdje radim.



*Historija daje odgovore samo onima koji znaju postavljati pitanja*

*Generacija koja ignoriše historiju nema prošlost niti budućnost*

## KONTAKT

Telefon  
035 306 365

Email  
historija@untz.ba

Web  
www.historija.ff.untz.ba

## ODSJEK ZA HISTORIJU

Univerzitet u Tuzli  
Filozofski fakultet



Tihomila Markovića 1, Tuzla  
Adresa

## STUDIRAJ HISTORIJU NA DRŽAVNOM UNIVERZITETU

Vodeća i najstarija visokoškolska ustanova u sjeveroistočnoj Bosni. Izaberi provjereno.

# OBLIKUJTE SVOJ STUDIJ IZBORNI PREDMETI NA STUDIJU

## Crkva bosanska

Jedan od najinteresantnijih specifikuma bosanskog srednjovjekovlja, vjerska institucija koja nije bila u organizacionom sklopu niti zapadne Rimske, niti istočne pravoslavne crkve. Oštri historijski sukobi, involviranost političkih ideologija, i raširenost mitova o ovoj organizaciji i krstjanima, čine ovu temu uvijek aktualnom i zanimljivom.

## Diplomatika srednjovjekovnih bosanskih povelja

Uvodi studente u svijet istraživanja povelja i pisama nastalih u dvorskim kancelarijama bosanskih vladara i velikaša. Studenti će biti upoznati sa svim diplomatskim dijelovima povelja, njihovim sadržajem i specifičnostima bosanske kancelarije u tom pogledu. Poseban fokus će biti postavljen i na vanjske sadržaje povelja, poput pečata, vrpca, te pergamene na kojoj su povelje pisane.

## Historijska geografija

Ima za cilj da omogući studentima upoznavanje sa značajem geografije i njenih metoda istraživanja za historijske analize. Odavno se geografija spominje kao jedno od očiju historije (uz hronologiju), pa je važno da studenti dođu do spoznaje kako geografski uslovi određenog područja utiču na razvoj historijskih procesa.

## Kultura i civilizacija

Predmet na kojem se studenti upoznaju se sa pojmovima „kulture“ i „civilizacije“. Ovi pojmovi obuhvataju jedan širok spektar naučnih oblasti i teorijskih postavki bez čijeg razumijevanja se teško može shvatiti razvoj savremenog svijeta.

## Uvod u lokalnu i globalnu historiju

Predmet na kojem se studenti upoznaju sa osnovnim pojmovima lokalne i globalne historije, te primjenu ovih istraživačkih modela na primjeru Bosne i Hercegovine. S obzirom da je globalizacija postavila fundamentalan izazov društvenim i humanističkim naukama od velike je važnosti steći osnovna saznanja kako o lokalnim, tako i o globalnim istraživačkim konceptima.

## Historija kulturnih i naučnih institucija u Bosni i Hercegovini

Kako mu i sam naziv kaže, ovaj predmet obuhvata kulturne i naučne institucije koji su osnovane i djelovale u Bosni i Hercegovini tokom njene historije. Studenti će kroz sadržaj ovog predmeta biti upoznati sa najvažnijim informacijama o djelovanju tih institucija: muzeja, arhiva, škola, univerziteta, biblioteka i dr.

## Historija međunarodnih odnosa

Ovaj predmet obuhvata odnose među najvažnijim akterima međunarodne politike i međunarodnih odnosa od antike do savremenog doba. Studenti će biti provedeni kroz najvažnije i najzanimljivije detalje međunarodne politike, čime će biti osposobljeni da bolje razumiju savremenu situaciju u svijetu.

## Američko-sovjetski odnosi (1917-1991)

U ovom predmetu studenti će se upoznati sa najvažnijim i najinteresantnijim detaljima odnosa između dvije države koje su bile vodeće sile u svijetu u vremenu nakon Drugog svjetskog rata. Američko-sovjetski odnosi bili su važni, često i presudni za razumijevanje, političkih, ekonomskih, kulturnih, sportskih prilika u svijetu u većem dijelu 20. stoljeća.

# NAŠ NASTAVNI PLAN I PROGRAM

Inoviran 2023/24.

Trajanje studija: 4 godine  
Stečeni ECTS: 240  
Zvanje: Bachelor historije



Stari Istok Evropa i svijet u savremenom dobu  
Stara Grčka u srednjem vijeku  
Stari Rim u novom vijeku

Antičko doba  
Doba osmanske vlasti  
Doba austrougarske vlasti  
Savremeno doba

Jugoistočna Evropa, Bizant i Jadranska regija u srednjem vijeku  
Jugoistočna Evropa u novom vijeku  
Savremeno doba

Arheologija  
Historija religija  
Arhivistika  
Metodika nastave  
Pomoćne historijske nauke  
Strani jezici  
Filozofija  
Pedagogija  
Psihologija  
Sociologija



## ŠTA NUDIMO?

- moderan četverogodišnji studij uz mogućnosti nastavka studiranja na drugom i trećem ciklusu
- kvalitetnu nastavu
- predan rad nastavnog osoblja sa svakim studentom
- vaše učešće u oblikovanju studija kroz izborne predmete
- mogućnosti vašeg ličnog profesionalnog razvoja

## VAŠE KOMPETENCIJE

- osposobljenost za izvođenje nastave u osnovnom i srednjem obrazovanju
- osposobljenost za prezentiranje
- osposobljenost za timski rad
- razvijenost historijske svijesti i historijskog mišljenja
- osposobljenost za interpretaciju važnih historijskih pojava i procesa
- osposobljenost za nastavak studija u zemlji i inostranstvu
- osposobljenost za početak samostalnog istraživanja
- osposobljenost za samostalan rad u institucijama kulture [škole, arhivi, muzeji, biblioteke, zavodi itd]
- osposobljenost za samostalan rad u drugim sektorima [javna uprava, mediji, nevladine organizacije, turizam...]